



Ministri blong Edukesen mo Trening
Gavman blong Vanuatu

POLISI BLONG WOTA, SANITESEN MO HAEJIN (WOSH) LONG OL SKUL



**POLISI blong WOTA, SANITESEN MO HAEJIN
(WOSH) long ol SKUL 2024 - 2030**

Ol akronim

DoWR	Dipatmen blong Wota Risos
JMP	Joen Monitaring Program blong UNICEF mo WHO
HPS	Helt Promoting Skul
MoET	Ministri blong Edukesen mo Trening
MoH	Ministri blong Helt
MQS	Minimom Kwaliti Standed
NSDG	Nasonal Sastenabol Developmen Gol
O&M	Operesen mo Mentenens
PEO	Prinsipol Edukesen Ofisa
SSP	Skul Stratejik Plan
UNICEF	Yunaedet Nesens Jildren Imejensi Fand
VEMIS	Vanuatu Edukesen Manejmen Infomesen Sistem
WOSH	Wota, Sanitesen mo Haejin
WHO	Wol Helt Ogenaesesen
WinS	WASH long ol Skul
WRI	Wota Risos Inventri
WIP	WinS Impruvmen Plan

Efektiv mo riviui deit

WASH long ol Skul polisi bae oli implementem long 2024.

Risponsabol Divisen	Risponsabol Ofisa	Deit blong riviui
Edukesen Seves Daarektoret	Daarekta blong Edukesen Seves	2027
Ol stekholda	MoET, MoIA, MoH, MoLNR , UNICEF, WHO, ol NGO, mo ol dona patna	

Tebol blong ol Kontent

OL AKRONIM	III
EFEKTIV MO RIVIU DEIT.....	III
FOWOD	VI
POLISI SAMARI.....	VII
1. BAKGRAON	2
1.1 POLISI KONTEKS MO BAKGRAON	2
1.2 RISEN BLONG POLISI	2
1.2.2 Edukesen Ateinmen.....	4
1.2.3 Jenda mo Disabiliti	4
1.2.4 Ol Bigfala Komuniti.....	4
1.2.5 Ol Skil blong Laef.....	4
1.3 SITUESEN ANALISIS	5
1.4. POLISI NAOIA MO LOA ENVAERONMEN	5
1.4.1 Intanasonal Komitmen <i>SDG</i>	5
1.4.2. Nasonal Komitmen.....	6
1.5 POLISI DIVELOPMEN PROSES.....	6
2. POLISI FREMWOK.....	7
2.1 POLISI VISEN	7
2.2 POLISI GOL	7
2.3 MISEN	7
2.4 OL GAEDING PRINSIPOL	7
2.5 TIORI BLONG JENJ	8
3. OL POLISI PRAIORITI.....	9
3.1 WOTA.....	9
3.1.1 <i>Introdaksen</i>	9
3.1.2 <i>Minimu Minimom Standed blong Wota Saplae</i>	9
3.2 SANITESEN.....	11
3.2.1 <i>Introdaksen</i>	11
3.2.2 <i>Ol Minimom Standed blong Sanitesen</i>	11
3.3 HAEJIN SEVES.....	12
3.3.1 <i>Introdaksen</i>	12
3.3.2 <i>Minimom Standed blong ol Haejin Seves</i>	13
3.4 HAEJIN MO EDUKESEN PROMOSEN	13
3.4.1 <i>Introdaksen</i>	13
3.4.2 <i>Minimom Standed blong Haejin Edukesen.</i>	14
3.5 MENSTRUOL HAEJIN MANEJMEN	14
3.5.1 <i>Introdaksen</i>	14
3.5.2 <i>Minimom Standed blong Menstruol Haejin Manejmen</i>	14
3.6 OPERESEN MO MENTENENS.....	15
3.6.1 <i>Introdaksen</i>	15
3.6.2 <i>Ol Minimom Standed blong Operesen mo Mentenens</i>	15
4. IMPLEMENTESEN FREMWOK.....	17
4.1 POLISI IMPLEMENTESEN STRATEJI	17
4.1.1 . <i>Nasonal level fremwok</i>	17
4.1.2 <i>Ol provins oli gat kapasiti blong sapotem implementesen blong WASH long ol Skul.</i>	17

4.1.3 <i>Ol skul oli gat kapasiti blong asesem, planem, mo implimentem impruvmen long wota, sanitesen mo haejin edukesen seves</i>	18
4.1.5 <i>Ol Skul WASH Infrastrakja oli develop mo oli mitim ol nasonal standed</i>	18
4.2 OL ROL MO RESPONSABILITI LONG OL DEFREN LEVEL	19
5.1 OL MONITARING INDIKETA	22
5.2 LENING MO RIPOTING	22
5.3 OL DEFINISEN BLONG OL KI TEM	22
ANEKS 1. SITUESENEL ANALISIS	24
1. WOTA	24
2 SANITESEN	24
3 HAEJIN SEVES.....	25
4 HAEJIN MO EDUKESEN.....	25
5 MENSTRUOL HAEJIN MANEJMEN	25
6 OPERESEN MO MENTENENS	25
ANEKS 2. WINS INDIKETA	26
List blong ol tebol	
Tebol 1. JMP wota lada	9
Table 2; Wota yusa resio long Vanuatu	10
Tebol 3. JMP Sanitesen Lada.....	11
Tebol 4. Sanitesen standed yusa resio.....	12
Table 5; JMP Haejin lada	13
List blong ol figa	
Fig 1 WASH long ol skul Tiori blong Jenis.....	7
Fig 2 Akses long wota long ol skul.....	24
Fig 3: Akses long sanitesen long Vanuatu	24

Fowod

Ol skul oli ol ples we i impoten tumas blong ol pikinini oli lanem samting; skul hemi wan sentrol ples insaed long komuniti. Skul i wan ples we i mekem pikinini i wantem lanem samting mo statem o stat blong jenisim samting. Ol pikinini oli stap ova long haf blong ful dei blong olgeta long skul mo oli lanem ol fasin blong WASH we bae i save stap wetem olgeta blong ful laef blong olgeta. Ol skul oli shud ol ples we ol pikinini oli filim sef, mo oli gat ol besik samting mo ol fasiliti we i mekem se oli save lanem samting mo pleplei, blong gro mo developmen olgeta wan.

Blong kontribut blong mekem se ol bigfala tingting blong Nasonal Gavman i kamtru, Ministri blong Edukesen mo Trening i bin mekem Polisi wetem ol Standed blong evri skul long kantri blong folem mo blong obei long hem. Polisi mo ol Standed ia blong Wota, Sanitesen mo Haejin (WASH) long ol Skul i soemaot komitmen blong Ministri blong Edukesen mo Trening blong impruvum helt mo gudfala laef blong ol studen long wan sastenabol wei, blong mekem se oli kasem wan gudfala eduquesen insaed long wan skul envaeronmen we i frenli long ol pikinini.

Evri skul we oli stap wok insaed long Nasonal Edukesen Sistem inkludem ol skul we oli stap operet praevetli bae oli implementem WASH long ol Skul Polisi mo Standed ia. Ol Polisi mo Standed ia oli blong evri WASH stekholda we oli stap involv long planing, manejmen, faenansing, implementesen, mo monitaring blong wota saplae, sanitesen, mo haejin (WASH) long ol skul program mo aktiviti long kantri. Sapos yumi save implementem gud Polisi mo Standed ia blong WASH long ol Skul, bae hemia i gat bigfala impak blong leftemap helt mo laefstael blong ol yangfala blong yumi long fiuja.

Polisi ia blong WASH long ol Skul hemi blong helpem ol stekholda blong WASH long ol Skul, mo fasilitetem ol efot blong implementem ol WASH aktiviti long ol skul. Hemi givim ol skul ol tul mo aedia long hao blong disaenem ol WASH fasiliti long ol skul long wan sastenabol wei. Fokas long ol pikinini we oli go long skul, mo fasin blong mekem ol skul i kam ol senta blong helt mo klinlines, bae i mekem ol fiuja jeneresen oli pripea gud blong lukaotem gud ol famli blong olgeta, helt blong ol komuniti blong olgeta mo gat wan klin envaeronmen.

Developmen blong Nasonal polisi ia i bin involvem plante difren stekholda inkludem ol sektoral Ministri long nasonal mo provinsol level, Intanasonal, Nasonal mo ol Non-Gavman Oganaesesen (NGOs) wetem ol narafala akta. Taem wetem had wok blong olgeta blong mekem developmen blong Skul WASH polisi ia i bin kontribut long finalaesesen blong hem.

Gavman blong Vanuatu i wantem talem tankiu long UNICEF from bigfala sapot blong olgeta long faenansing blong developmen blong dokumen ia. Proses blong sapot ia oli kodinetem mo manejem wetem 'WASH long ol Skul' Unit blong Edukesen Seves Daarekta, mo UNICEF. Wan las mo spesol tankiu i go long WASH konsalten we i bin wok wetem MoET mo UNICEF tim blong mekem polisi ia.

Bergmans lati

Daarekta Jenerol



Polisi Samari

WASH long ol Skul Polisi i gat stamba tingting blong givim gaedlaen long ol WASH impruvmen seves long ol skul raon long Vanuatu blong benefitim evri pikinini long skul, inkludem ol pikinini we oli gat disabiliti, blong mekem se helt mo lening blong ol pikinini i kam antap. Dokumen ia i givim wan gaed long ol minimom WASH standed o ol samting we i nid blong gat long saed blong wota, sanitesen, haejin seves, haejin edukesen, Menstruol Haejin Manejmen mo ol WASH infrastrukja operesen wetem mentenens we ol skul oli save wok from.

Polisi ia i identifiaem faef stratejik praeoriti inkludem institutusenal fremwok mo impruvmen blong monitaring. WASH M&E modiol we i stap insaed long MoET VEMIS sistem i gat stamba tingting blong provaedem wan klia, fokus mo stratejik aproach blong impruvum akses long wota sanitesen, haejin seves, haejin edukesen mo menstruol manejmen, establisem wan impruvmen long seves delivari mo pefomens monitaring fremwok. Polisi implementesen fremwok bae i fokus long nasonal, provinsol, mo skul level blong letem ol provins mo skul oli lidim implementesen wetem help long nasonal level long teknikal asistens mo monitaring blong WASH progres.

Provins i gat responsabiliti blong meksua se ol skul long provins blong olgeta i mitim ol nasonal WASH standed mo from hemia nao oli gat responsabiliti blong developem wan provinsol plan blong WinS mo implementem plan ia wetem yus blong anuol gavman planing saekol. Ol provins oli mas meksua se evri skul i kasem inaf trening sapot blong bildim kapasiti blong olgeta.

Taem ol skul oli gat praemari responsabiliti blong mitim ol nasonal standed, i no evri infrastrukja investmen i stap insaed long kapasiti blong skul. From hemia, i gat wan divisen blong wok bitwin ol skul, provins, mo nasonal level; blong meksua se infrastrukja i stap mitim ol nasonal norm. Ol skul oli shud mekem ol apgred wetem ol skul grant mo kontribusen blong komuniti, mo ol skul tu oli risponsbol blong mentenem evri WASH infrastrukja.

Taem wan WASH sistematik gap analisis i faenemaot ol WASH gap we i bitim kapasiti blong ol skul blong adresem, oli save kostem ol gap ia anda long WinS kapitol investmen plan. WASH i save stap hem wan o oli save integretem insaed long ol kapitol investmen plan we i stap finis long MoET.

1. BAKGRAON

1.1 Polisi konteks mo bakgraon

Gavman blong Vanuatu i rikognaesem fulwan impotens blong Wota, sanitesen, mo haejin (WASH) insaed long ol skul mo ol wok blong ol stekholda blong meksua se ol pikinini long ol skul oli gat akses long gud helt wetem beta edukesen.

WASH hemwan i impoten mo hemi neseseeri tu blong kasem beta helt, edukesen, nutrisen, mo ol nara indeks blong human developmen. WASH i kontribiut tu long ol nara developmen gol, speseli olgeta we i rilet long poveti mo ekonomik gro, eben seves, jenda ikwaliti, risiliens, mo klamet jenis. Akses long wota mo sanitesen hemi joen wetem plante nara ki isiu mo i gat bigfala impak long laef blong ol pikinini mo abiliti blong olgeta blong developem mo gro.

Akses we i no inaf mo i no stret long ol seves blong wota mo sanitesen, wetem ol praktis blong haejin we oli no stret long ol haos mo skul, oli mekem i had blong mekem i kamtru ol raet blong evri pikinini, speseli ol pikinini we oli stap long ol situesen we i nogud moa; blong save liv long wan envaeronmen we i sef mo klin. Taem seves blong WASH long ol skul we i no kasem standed, i mekem i gat ol problem we oli afektem moa ol gel taem oli stap go tru long taem blong pubeti. Blong ol gel, taem i no gat praevesi mo digniti from we i no gat ol gudfala toilet fasiliti, i gat ol impak we oli speseli nogud long helt mo sefti, digniti, self-estim, skul, laening/edukesen, mo gud laef blong olgeta.

Sapos yumi provaedem ol pikinini wetem sef, inklusiv mo rilaebol WASH seves long ol skul, hemia i help blong mekem lening envaeronmen i kam gud mo helti Hemi leftemap edukesen ajivmen mo i promotem jenda ikwaliti. Hemi kontribiut bigwan blong winim eksklusen mo diskriminesen insaed long edukesen, speseli blong ol gel mo ol pikinini we oli kam long ol komuniti we oli stap long disadvantej. Long narasaed, sapos yumi ofarem ol pikinini wan hae-kwaliti haejin edukesen, i givim olgeta wan beis blong gat wan helti mo prodaktivlaef, mo i krietem fiuja dimand blong sef wota mo sanitesen seves. Taem yumi integretem WASH wetem wan komuniti program, hemi save mekem ol pikinini oli kam ol ejen blong jenj long ol komuniti¹.

1.2 Risen blong Polisi

Gavman blong Vanuatu i komited long ol SDGs 4 mo 6 we i rilet long skul mo WASH long ol skul, mo hemi bin tekem igo insaed long Nasonal Sastenabol Developmen Plan (NSDP) blong nesen. NSDP i gat strong link i go long WASH long ol skul tru long ol 3 pila blong NSDP; sosaeti, envaeronmen, mo ekonomik pila we oli rilet long ol taget.

Ministri blong Edukesen mo Trening i luksave impotens blong WASH mo i kapjarem long Stratejik Plan blong hem 2021-2030, strateji². Program blong WASH long ol skul i blong promotem HPS long ol skul blong meksua se ol pikinini oli gat ikwel akses long ol aktiviti blong HPS mo ikwel akses long ol fasiliti blong WASH. WASH long ol skul i kamaot tu long ol narafala lejislesen mo polisi blong Gavman inkludem:

- Pablik Helt Akt, Akt 22 blong 1994, Konsolideted Edisen 2006³
- Edukesen Akt, Namba 9 Blong 2014⁴

¹ The United Nations Children's Fund, Child friendly school's manual, UNICEF, New York, 2009

² Republic of Vanuatu National Sustainable Development Plan 2016-2023, Port Vila, Vanuatu

³ Republic of Vanuatu, Public Health Act (updated September 1995), Port Vila Vanuatu

⁴ https://moet.gov.vu/docs/acts/Education%20Act_No.%209%of%202014.pdf

- Nasonal Sanitesen Polisi, 2016-2030⁵
- Helt Promoting Skul Polisi,
- Helti Aelan Polisi,
- Nasonal Wota polisi, 2017 - 2030⁶
- Nasonal Wota Drinking Kwaliti Standed oda 51 blong 2019⁷
- Nasonal Biding Kod - 2000⁸

MoET i nidim wan nasonal 'WASH long ol skul' polisi blong mekem ol difren WinS standed we i stap long ol defdefren dokumen i kam wan polisi dokumen nomo.

Provisen blong WASH long ol skul i gat bigfala impak long helt stetes, edukesen ajifmen mo ridaksen blong ol difrenses bitwin ol studen⁹. Ol investmen we oli mekem long sab-sekta ia bae i risalt long ol klia iekonomik mo sosol benefit. Ol benefit ia oli save grup long 5 mein kategori:

1.2.1 Disis Privensen

WASH long ol skul hemi wan impoten wei blong stopem ol sik mo promotem helt. Ol objektiv blong WASH long ol skul oli stap laenap wetem Vanuatu Nasonal Stratejik Dvelopmen Plan (2016-2030), WASH i luk fowod long wan nesen we evri sitisen bae oli 'helti mo laef longtaem, mo oli prodaktiv'. Eksposa long ol ejen we oli kosem daearea i stap happen from fulap taem yumi yusum kontamineted wota mo yumi no klinim gud kakae mo no karemaot gud human weis/sitsit. Folem Vanuatu Demografik mo Helt Sevei 2023, samwe 5.8 episod blong daearea long ol pikinini anda 5 yia oli bin ripot long las tu wik bifo sevei¹⁰. Long 2016, Ministri blong Helt i bin rekodem 14,829 keis blong daearea long ol pikinini blong faev yia we oli bin go tru long ol helt fasiliti raon long Vanuatu.

Wol Helt Oganaeesen (WHO) i estimet se samwe 829,000 pipol long ol kantri we oli gat smol mo medel inkam oli ded from inadikwet (no gat gudfala) wota, sanitesen, mo haejin long evri yia, mo hemia i ripresentem 60% blong ol ded from daearea. Oli biliv se pua sanitesen nao hemi main kos blong samwe 432,000 long ol ded ia mo hemia wan meja fakta long plante neglekted tropikol sik, inkludem ol wom insaed long bel, schistosomiasis, mo trachoma. Pua sanitesen i kontribut tu long malnutrisen¹¹

Wasem han i save ridusem ol daearea episod long samwe 30%¹² mo 20% blong ol respiretori infeksien¹³.

⁵ Vanuatu Ministry of Lands and Natural Resources Policy & Legislation (gov.vu)

⁶ [Vanuatu Ministry of Lands and Natural Resources - Policy & Legislation \(gov.vu\)](http://www.gov.vu/ministry-of-lands-and-natural-resources/policy-legislation)

⁷ [Vanuatu Ministry of Lands and Natural Resources - Policy & Legislation \(gov.vu\)](http://www.gov.vu/ministry-of-lands-and-natural-resources/policy-legislation)

⁸ [Vanuatu Ministry of Lands and Natural Resources - Policy & Legislation \(gov.vu\)](http://www.gov.vu/ministry-of-lands-and-natural-resources/policy-legislation)

⁹ <https://www.who.int/news-room/fact-sheets/detail/sanitation>

¹⁰ Vanuatu Demographic and Health Survey 2023

¹¹ <http://www.wsp.org/Hygiene-Sanitation-Water-Tulkit/BasicPrinciples/GenderRoles.html>

¹² [Hand washing for preventing diarrhea - PubMed \(nih.gov\)](https://pubmed.ncbi.nlm.nih.gov/123456789/)

¹³ [hand washing effects on health care - Search \(bing.com\)](https://www.bing.com/search?q=hand+washing+effects+on+health+care)

1.2.2 Edukesen Ateinmen

Ol evidens raon long wol i soem se sapos WASH long ol skul i no gud, hemi save afektem abiliti blong ol pikinini blong lanem samting long plante wei. Ol wom (helminth) infeksens mo pua WASH i afektem sam skul-ej pikinini, i mekem bodi blong olgeta i no gro gud, mo i mekem se olgeta i no save tingting gud from pen mo diskomfort, from ol kaen samting we i stap faet wetem ol nutrisen long bodi blong olgeta, anemia, mo ol damej long ol tisiu mo ogan blong bodi. MBH i ripot se ol sik olsem daearea, malaria mo helmint infeksens oli stap kamaot plante long ol skul pikinini long Vanuatu.

Ol pua envaeronmen kondisen long klasrum i mekem i had blong tij mo lan tu. Impak blong sik long ol tija - i mekem wok blong olgeta i no gud mo i mekem olgeta oli stap longwe long wok plante taem - i gat wan daerek impak long lening tu, mo wok blong ol tija i kam had moa from ol lening difikalti we ol pikinini long skul oli fesem. Dihaedresen we i kamaot from we oli no dring inaf wota mo oli mekem plante fisikol aktiviti, olsem wokabaot i go long skul, i mekem abiliti blong pikinini blong lanem samting i go daon.

1.2.3 Jenda mo Disabiliti

Ol gel mo boe, inkludem olgeta wetem disabiliti, oli afekted long defren wei from inadikwet wota, sanitesen, mo haejin kondisen long ol skul mo hemia i kontribiut long ol anikwel lening oportuniti. Eksampol, taem i nogat adikwet, seperet praevet mo sekiua toalet wetem washing fasiliti i save mekem sam papa mo mama oli no wantem sendem ol gel blong olgeta i go long skul. Tae mi nogat fasiliti blong menstruol haejin, hemi kontribiut long ol gel oli misim ol dei long skul, mo i save lidim ol gel blong dropaot long edukesen fulwan long taem blong pubeti.

Ol pikinini wetem disabiliti bae oli no save wok gud long ol pua skul envaeronmen, espeseli taem ol toalet oli pua. Sapos yumi provaedem ol WASH fasiliti we oli bin disaenem gud, hemi givim wan gudfala janis long ol pikinini wetem disabiliti blong oli save ovakam ol problem. Wan 2020 stadi we MoET i bin mekem long ol samting we oli stopem edukesen i bin talemaot se wan long ol spesel samting we i stopem ol pikinini wetem disabiliti blong oli go long skul, hemi ol toalet fasiliti¹⁴.

1.2.4 Ol Bigfala Komuniti.

Ol pikinini we oli gat inaf wota, sanitesen mo haejin kondisen long skul oli save integretem haejin edukesen insaed long laef blong olgeta evri dei mo oli ol gudfala mesenja mo ejen blong jenj insaed long ol famli mo komuniti blong olgeta. Long narasaed, ol komuniti mo ol pikinini long skul oli ekspos long risk blong sik taem i nogat inaf wota saplae, sanitesen mo haejin long skul, mo oli stap moa long risk. Ol famli oli karem hevi blong sik blong ol pikinini blong olgeta from rabis WASH kondisen long skul.

1.2.5 Ol Skil blong Laef

Ol haejin fasin we ol pikinini oli lanem long skul i kam tru long haejin edukesen we i joen wetem ol stret wota, sanitesen, mo haejin-sapot fasiliti. Ol haejin fasin ia oli ol skil we ol pikinini i laekem blong kipim go kasem taem oli kam bigman, mo oli pasem i go long ol pikinini blong olgeta. Wanem we ol pikinini oli lanem mo praktisim tede long ol skul bae i kam wan nomol samting long sosaeti taem ol pikinini ia oli kam bigman.

¹⁴ Vanuatu Government, Ministry of Education and Training, Vanuatu Barriers to Education Study, 2018

1.3 Situesen analisis

Oli bin mekem wan situesonal analisis blong WASH long ol skul blong andastanem WinS situesen bifo developmen blong polisi. Eksasaes ia i inkludem wan desk rivi long ol lejislesen, polisi, strateji, mo ol ripot we i rilet long WASH, mo ol konsaltesen wetem ol edukesen stekholda long nasional mo provinsol level tru long patisipesen long 'WASH long ol skul' provinsol level konsaltesen long 5 provins blong Sanma, Malampa, Torba, Tafea mo Shefa. Ol ki faending blong situesenanalisis i soemaot ol samting ia:

- WASH long ol skul hemi wan impoten pat blong ol nasional komitmen blong Vanuatu.
- Ol WinS standed oli stap long ol defren dokumen -i nid blong konsolidetem mo impruvum evriwan i go long wan WinS polisi dokumen nomo.
- Ol infomesen blong WinS i no ap-tu-det mo i gat limit long VEMIS
- Ol skul grant we i stap long ol skul oli avelabol blong mekem ol WinS impruvmen. Efektiv WASH planing mo badjeting hemi wan nid long level blong skul, blong oli save yusum MoET fanding grant blong impruvum WASH kondisen long ol skul.

Ditel blong WinS situesen analisis samari ripot i stap long Aneks 1 blong dokumen ia.

Nasional Implementesen fremwok bae i adresem ol bigfala gap long ol WinS seves we oli bin luk.

1.4. Polisi naoia mo loa envaeronmen

1.4.1 Intanasonal Komitmen SDG

I gat tu SDG we oli spesifik long tageting blong WASH long ol Skul.

Gol 4: Meksua se evriwan i kasem gud, kwaliti edukesen mo promotem laef-long lening.

4.a. Bildim mo apgredem ol edukesen fasiliti we oli pikinini, disabiliti, mo jenda sensitiv mo oli provaedem sef, non-vaalent, inklusiv, mo efektiv lening envaeronmen blong evriwan.

4.1 Inkrisim proposen blong ol skul we oli gat akses long:

- ol infrastrakja mo ol material we oli stret blong ol studen we oli gat disabiliti,
- besik drinking wota,
- ol single-seks besik sanitesen fasiliti, mo
- ol besik hanwas fasiliti (folem ol WASH indiketa definisen)

Gol 6: Meksua se i gat inaf wota mo gud fasin blong lukaotem wota mo sanitesen blong evriwan.

6.1 Bifo 2030, meksua se i gat ikwel akses long sef drinking wota we i no sas tumas long evriwan.

6.2 Bifo 2030, mekem se evriwan i gat akses long adekwet mo ikwitebol sanitesen mo haejin, mo stopem open defekesen, givim spesol lukluk long ol nid blong ol woman mo gel, wetem olgeta we oli stap long ol situesen we i no sef.

1.4.2. Nasonal Komitmen

Gavman blong Vanuatu i komited long WASH long ol skul mo i inkludem hemia long Nasonal Sastenabol Developmen Plan (NSDP) blong nesen, mo ol narafala nasonal lejislesen mo polisi. NSDP i gat strong link i go long WASH long ol skul tru long 3 pila blong NSDP - sosaeti, envaeronmen, mo ekonomik pila we oli rilet long ol taget.

- **SOC 2.1** Meksua se evri pikinini, nomata boe o gel, no mata long ples we hemi stap long hem, ol nid blong edukesen blong hem, o ol sekemstans blong hem; meksua se hemi gat akses long edukesen sistem.
- **SOC 3.2** Ridiusum namba blong ol kaen sik we oli save spred mo ol kaen sik we oli no save spred.
- **SOC 3.3** Promotem helti laefstael joes mo fasen blong gat helti bihevia blong impruvum populesen helt mo gudfala laef.
- **ENV 2.4** Ridiusum rabis mo polusen tru long efektifiv rabis manejmen mo polusen kontrol.
- **ECO 2.3** Meksua se evri pablik infrastrukja, inkludem helt, edukesen mo ol spots fasiliti oli sef, aksesibol, sekiua, mo mentenem folem ol bilding kod mo standed.

Ministri blong Edukesen mo Trening Sekta i gaetem nasonal komitmen ia long Stratejik Plan blong hem 2021-2030, strateji 5, blong promotem HPS long ol skul blong meksua se ol pikinini oli gat ikwel akses long ol HPS aktiviti mo ikwel akses long ol WASH fasiliti. Pablik Helt Akt¹⁵ i talemaot se bae i mas gat inaf sef wota blong saplaem long ol yusa mo tu i gat ol provisen blong sef disposol blong weis mo stret mentenens blong ol sanitesen fasiliti. Bilding Kod Akt i provaedem ol disaen spefikesen blong ol wota sistem, inkludem ol renwota havesting sistem, ol toalet, ol septik tank mo sokawe disaen spefikesen, mo tu klining blong ol septik tank¹⁶. WASH i wan bigfala pat blong ol MoH sanitesen gaedlaen mo Helti Aelan polisi.

1.5 Polisi developmen proses

Ministri blong Edukesen mo Trening (MoET) i tekem ful onaship blong developmen blong WASH long ol Skul Polisi ia. Wan WASH konsalten i bin stap anda long kontrak blong sapotem MoET mo UNICEF blong developem polisi ia. Proses blong developem polisi ia i gat tri pat: fas wan, plan blong stat blong polisi, namba tu, developmen blong wan 'WASH long ol Skul' Situesen Analisis, mo namba tri, developmen blong 'WASH long ol Skul' Polisi ia.

Situesen analisis i soemaot stetes blong WASH mo helt promosen long ol skul mo i aedentifaem ol gap long ol WASH seves mo praktis long ol Skul. Oli bin presentem mo endosem ol faending wetem ol memba blong MoET 'WASH long ol skul' stiarng komiti. Afta we oli bin apruvum ripot blong situesen analisis, oli bin draftem polisi folem MoET polisi fomat. MoET WinS stiarng Komiti i gaedem, riviuem mo endosem draft polisi dokumen bifo we oli bin presentem blong endosmen long nasonal stekholda konsaltesen. Afta we nasonal stekholda konsaltesen i apruvum, MoET Senia Manejmen Tim i apruvum.

¹⁵ https://mol.gov.vu/images/News-Photo/water/DoWR_File/van88965.pdf

https://mol.gov.vu/images/News-Photo/water/DoWR_File/Monitaring_Evaluation/Vanuatu_Building_Code_-_20001.pdf

2. POLISI FREMWOK

2.1 Polisi Visen

Ol lena we oli helti, kasem ol gudfala niu tingting, mo oli prodaktiv long komuniti oli kontribiut long wan pisful, mo inklusiv sosaeti we i gat jastis.

2.2 Polisi Gol

Stamba tingting blong polisi ia hemi blong provaedem wan helti, sef, inklusiv mo frenli envaeronmen blong evri skul mo studen long Vanuatu.

2.3 Misen

Blong leftempa kodinesen long planing, disaen mo implimentesen blong ol sastenabol kwaliti 'WASH long ol skul' intavensen long evri skul long Vanuatu.

2.4 Ol Gaeding Prinsipol

Ol prinsipol we oli diskraebem andanit ia oli laenap wetem ol nasonal strateji mo gaedlaen long saed blong WASH. Ol Nasonal Standed blong WASH long ol Skul we oli kavremap long ol defren nasonal polisi mo loa oli givim inspikesen mo gaedans long ol aspek blong WASH polisi. Ol gaeding prinsipol blong polisi ia oli:

Frenli long ol pikinini, jenda-ikwitabol mo inklusiv:

Ol WASH fasiliti oli inkarejem gud fasin blong klinlines, oli stap long ol saes we i stret long ej blong ol pikinini, oli save adjastem, mo oli leftemap lening mo developmen blong ol studen.

Ol skul infrastrakja mo ol risos we i go wetem oli mitim ol standed blong sapotem ol studen blong gat akses:

Planem mo implementem ol kwaliti skul-frenli infrastrakja folem ol nid mo praeoriti we oli identifiaem finis tru long rivi, apdetem mo implimentem skul MQS, Skul Plaming mo Mentenens Manuel, mo Aset Masta Plan. Promotem mo menstrimim Inklusiv Edukesen blong meksua se evri pikinini oli gat ikwel akses long ol HPS aktiviti mo ikwel akses long ol kwaliti WASH fasiliti long ol skul.

Impruvum komuniti engejmen blong sapotem ol skul akses mo disasta mitigesen:

Mekem ol patnasip mo komunikesen bitwin ol skul mo ol komuniti i kam strong moa, wetem tingting blong mekem lening mo akses i kam gud moa. Mekem Disasta Risk Ridaksen mo Manejmen (DRRM) i kam strong moa blong fesem klaemet jenj mo ol naturol disasta.

Yusum ol gud planing, manejmen, mo monitaring proses:

Blong mekem se ol seves i kasem ol taket blong pefomens we oli bin setemap mo blong mekem se oli karem ol bigfala benefit long ol impoten janis blong lan long saed blong oganaesesen mo proses, i impoten blong wok folem ful planing saekol, inkludem planing, implementesen mo manejmen, monitaring mo evaluesen.

Eim blong kasem yunivesol kavrej mo sastenabiliti:

Ol provisen blong ol Nasonal Standed oli aplikabol long evri skul. Ol aktiviti oli gat gol blong kasem evri skul mo evri studen long Vanuatu wetem sastenabol ‘WASH long ol Skul’ seves.

Provaedem kwaliti infrastrukja:

Jalenj hemi blong provaedem mo instolem ol WASH aplaens mo infrastrukja we oli save stanap strong agensem ol jalenj blong ol disasta we oli stap tekples mo ol klaemet jenj we Vanuatu i stap fesem; blong save mekem long wan longfala taem long wan wei we i no nidim tumas risos-intensiv mentenens.

Alaenmen, ol patnaship, mo lidaship:

I nid blong mek gud yus long ol patnaship wetem ol paoa mo save blong ol defren program we ol defren stekholda mo patna oli gat; evri patna oli shud laenap wetem ol Nasonal Standed blong i kam strong mo blong ol standed oli kam wan samting we evriwan i mas folem. I shud gat rispekt long lidaship blong Ministri blong Edukesen mo Trening folem kodinesen blong hem wetem ol laen ministri mo ol dipatmen blong olgeta long ol defren level, ol developmen patna, ol administresen, ol NGO mo ol narafala stekholda. Lidaship blong MoET i shud kam strong moa, mo evriwan i shud rispektem.

2.5 Tiori blong Jenj

Blong meksua se i gat sastenabol akses long ol WASH seves long ol skul blong Vanuatu, MoET mo ol stekholda blong hem i nid blong jenisim bigwan fasin we oli stap dil wetem WASH long ol skul naoia. Tingting ia i shud kontribuit long wan jenj, blong lego tingting blong bildim ol samting nomo, mo muv igo long wan sastenabol seves deliveri mo sekta developmen aproj. Ol jenj we oli ekspektem long ‘WASH in Skul’ program hemi se: “Bifo 2030, 100% blong ol skul raon long Vanuatu bambae oli gat akses long ol WASH fasiliti we oli wok gud, mo evri studen oli kasem haejin edukesen mo oli stap soemaot gud haejin praktis.” Blong meksua se ol jenj ia oli hapen, i gat nid blong developem wan nasonal wok plan, badjet, mo monitaring blong ol WinS aktiviti long nasonal, provinsol mo skul level. I gat fofala kondisen we i impoten blong konsentret long hem blong ajivim ol taget ia:



Figure 1; WASH long ol Skul tiori blong jenj

3. OL POLISI PRAIORITI

Polisi ia i fokas long ol WASH intavensen mo impruvmen blong ol skul blong kasem ol WASH 3-sta aproj taget bifo 2030.

UNICEF/WHO joen monitaring program (JMP) blong WASH mo ‘3-sta WASH long ol skul’ aproj i stap difaenem ol minimom standed blong WASH long ol skul long WASH lada andanit, long tebol 1 mo 3.

3.1 Wota

3.1.1 Introdaksen

Wan wota saplae we i gud, rilaeabol mo avelabol oltaem long skul bae i help blong priventem spred blong ol infeksyes disis mo ol disis we i pas tru long wota. Wan wota sos we hemi impruv o wan sos we oli tritim i save givim sef drinking wota blong ol studen.

3.1.2 Minimu Minimom Standed blong Wota Saplae

3.1.2.1 Wota Kwantiti

- Evri skul oli shud gat akses long wan protekted wota sos insaed long ol skul graon blong olgeta.
- Ol wota sos (olsem ol salo/smol wel) oli mas stap 30 mita longwe long ol toalet wetem ol ples we ol wota blong toalet o drein oli stap ron long hem¹⁷.
- Wota i shud stap oltaem (eksampol, wota poen i no mas drae long drae sisen, hemi wok gud, tap ino brok o paep ino blok, etc.) mo i shud gat inaf wota blong wasem han, mo stap klin.
- Sef drinking wota i shud stap truaot long skul yia.
- Sapos oli storem drinking wota long skul, ol kontena i mas klin mo oli mas kavremap. I mas gat wan elbo tap long kontena blong karemaot wota long wan sef wei we bae i no mekem wota i kam doti.
- Disaen blong wota poen i mas stret mo aksesibol long ol smol pikinini mo ol pikinini we oli gat disabiliti.

I mas gat wan gudfala drening/sokawe pit long wota poen blong mekem se wota i no hip i stap wanples.

Seves Level	Drinking Wota
Besik Seves	Wota blong dring i kam long wan wota sos we oli apgredem mo i avelabol long skul.
Limited Seves	I gat wan immpruv (o apgred) wota sos (Paep wota, oli protektem wel/spring, renwota, botel wota) be wota i no avelabol lo taem blong sevei.
Nogat Seves	Drinking wota i kam long wan sos we oli no impruvum o i nogat wota sos long skul.

Tebol 1. JMP wota lada

¹⁷ Vanuatu Sanitation Guideline, MoH 2016-230

https://mol.gov.vu/images/News-Photo/water/DoWR_File/Monitaring_Evaluation/Vanuatu_Building_Code_-_2001.pdf

Tebol daon ia i soemaot ol wota nid long skul¹⁸.

	Yusa resio	Ditel rikwaemen
Dei skul	5L/studen/dei	Blong ol skul wetem ol bush/VIP toelet
	15L/studen/dei	Blong ol skul we oli gat ol toelet we oli yusum baket blong flasem (we oli yusum wan baket)
	45L/ studen/dei	Blong ol skul we oli gat flash toelet
Ol Boding skul	50L/student/dei	Boding skul wetem ol pit toelet
	85L/studen/dei	Boding skul wetem ol flas toelet we yu porewota igo long hem (50+35 blong flasem)
	130L/studen/dei	Boding skul wetem ol flas toelet (50+80 blong flasing)

Table 2; Wota yusa resio long Vanuatu

3.1.2.2 Wota kwaliti

- Wota we oli saplaem long skul i mas fri long ol jem mo i mas gat proteksen agensem kontaminesen insaed long skul.
- DoWR tim i shud mekem ol test blong kwaliti blong wota bifo oli bildim eni niufala kaen wota sos blong skul mo, mo oli shud inkarejem regula wota testing. DoWR i shud mekem ol bakteriologikol test taem i gat ol aotbrek blong sik we i kamaot long wota. Sapos wota i kontamineted folem wan tes we DoWR i mekem, skul i mas kasem advaes blong klinim wota bifo oli save dring, tru long ol teknik ia:
 - Boelem blong wota
 - Oli rekomendem klorinesen blong ol tank we i karem wota long graon
 - Yusum Aqua tablet, speseli taem i gat imejensi
 - Promosen blong Solar Disinfeksion (SODIS)
 - Promosen blong wota filtresen
- Yumi inkarejem ol skul blong klinim ol wota intek mo storej tank oltaem.
- Blong renwota koleksen, i mas gat fes flas daeveta long ol gata blong ol renwota kajmen sefes. Mo i mas gat stret operesen blong wasemaot ol tank, wetem gudfala mentenens blong kipim olgeta i klin oltaem.

3.1.2.3 Lokesen mo Aksesibiliti

- Wan gudfala wota poen blong dring i shud stap oltaem redi blong evri student oli aksesem, inkludem ol studen wetem spesel nid. (Olsem pikinini we ae blong olgeta i no wok gud mo ol pikinini we oli stap long wiljea)
- Drinkingg wota i shud stap long ol ples we oli makem i klia gud, mo i aot (seperet) long wota we oli provaedem blong wasem han mo ol narafala samting.
- Wota blong dring i save kam long wan paep wota sistem o tru long wan kontena we oli kavremap, wetem wan tap long ol ples we i nogat paep saplae.
- Inkarejem ol student blong no dring wota stret long tap, blong blokem eni posibiliti blong kasem sik we i save kamaot long tap.

¹⁸ https://mol.gov.vu/images/News_photo/water/DoWR_File/Monitoring_Evaluation/Vanuatu_Building_Code_-_2001.pdf

3.1.2.4. Wota akses insaed long klasrum

- a. Enkarejem ol studen blong karem ol wota botel blong dring i go long ol skul. Evri studen i nidim tu lita blong klin drinking wota long wan dei¹⁹.

Kivim akses long klin mo sef wota insaed o klosap long klasrum blong ol studen, tru long ol tap stand wetem stret dreinej mo sokawe. Akses i save kam tru long wan kontena we i fulap wetem wota, mo i konekt wetem wan tap hed long ples blong wasem han, wetem sop klosap long evri klasrum, long ol ples we i nogat ol tap stand.

3.1.2.5. Wota blong Menstruol Haejin Fasiliti

- a. I shud gat inaf wota i stap long menstruol haejin fasiliti o toalet blong ol woman blong save was mo klinap

3.2 Sanitesen

3.2.1 Introdaksen

Adekwet sanitesen hemi wan besik human raet, mo akses long hem blong evri man hemi impoten tumas. Hemi fokas long provisen blong ol fasiliti mo seves we i meksua se i gat sef manejm blong human weist stat long toalet i go long konteinmen mo storej, sef yus, mo disposol blong daonem ol nogud efek long ol yusa mo narafala man. Ol sanitesen seves we i impruv i gat wan impoten wok blong meksua se i gat digniti, blong winim human raet long sanitesen, mo i gat wan impoten jenda aspek from ol defren nid: long saed blong praevesi, digniti mo sefti blong ol gel mo boe. Taem i nogat adekwet sanitesen hemi wan bigfala sos blong ol infeksen, olsem daearea, taefoed, disintri, stanting mo wom infestesen mo sam moa bakegen. Hemi impaktem welbing blong ol student

©	Sanitesen
Besik seves	Ol sanitesen fasiliti long skul we oli singel-seks oli impruv mo ol student i save yusum (i gat ol fasiliti, oli wok gud, mo oli praevet)
Limited seves	I gat ol impruv fasiliti (flas/haf-flas, pit toalet wetem slab, komposting toalet) be i no gat single-seks fasiti, o i gat be oli no save yusum
No seves	Ol sanitesen fasiliti oli no impruv o i no gat sanitesen fasiliti long skul

Tebol 3. JMP Sanitesen Lada

3.2.2 Ol Minimom Standed blong Sanitesen

3.2.2.1 Priventem kontakt wetem ol doti blong toalet.

I mas gat privensen blong kontakt wetem ol pispis mo weist blong ol man mo ol animol olsem ol flae, rat mo kokros. Hemia i minim se ol toalet:

- a. I no shud gat eni hol long floa mo saed blong pit;
- b. I shud gat wan lid o flae mesh long toalet hol, mo
- c. Oli no shud mekem polusen igo long eni wota sos we i stap klosap
- d. I mas gat slab we i klin gud

Wan strong floa we i isi blong kipim i klin.

¹⁹ Vanuatu Education and Training Sector Strategy 2016-2030

3.2.2.2 Akses mo Yus blong ol Toelet

- I gat inaf toelet we oli yusa-frenli long ol pikinini. Oli aksesibol, praevet, klin, sekiua, mo oli impruv mo i gat ol fasiliti blong Menstruol Haejin Manejmen (MHM). Oli avelabel blong evri studen, staf, mo ol man we oli gat spesol nid blong yusum.
- Ol boe mo gel oli mas gat ol toelet we oli seperet. Sapos i gat inaf spes, ol toelet blong ol gel mo ol boe oli mas stap long ol defren ples.
- Ol doa blong toelet oli shud gat lok insaed, blong meksua se ol yusa oli gat praevesi mo oli shud isi blong ol pikinini blong ol defren ej oli aksesem, mo oli stret long ol pikinini we oli gat disabiliti.
- Oli rekomen blong putum wan lok aotsaed blong stopem ol man long komuniti blong mis-yusum ol toelet fasiliti.
- I mas gat wota insaed o klosap long toelet blong klinim skin wetem sop mo wota.
- I shud gat wan seperet blok blong ol toelet blong ol tija; wetem wan toelet blong ol man tija mo wan blong ol woman tija.
- Ol toelet/yuraenol i shud frenli long ol pikinini (i isi blong kasem, i no dak tumas, toelet oli shud stap long stret haet blong ol pikinini, saes blong ol hol blong pit i no shud bigwan tumas, etc.).
- Ol toelet/yuraenol i shud fri long ol doti, pispis we i hip i stap, mo ol flae.
- Ol samting blong klinim ol toelet/ yuraenol olsem brum, disinfekten, asis, etc. i shud stap redi.

3.2.2.3 Avelabiliti: Kwantiti

Blong meksua se ol sanitesen fasiliti oli inaf, i gat ol standed i stap blong ol studen-tu-toelet mo ol staf-tu-toelet resio:

Ol Sanitesen standed – yusa tu toelet resio		
Toelet blong dei skul	1 toelet we i wok gud: 25 gel ²⁰ 1 toelet we i wok gud: 35 boe 1:15 ECCE students ²¹	MoET standed naoia
Toelet blong ol boding skul	1: 35 ol boe ²² 1:25 ol gel ²³	MoET standed naoia
Hanwas Stesen	1 Hanwas stesen we oli instolem klosap long ol toelet	

Tebol 4. Sanitesen standed yusa resio

3.3 Haejin Seves

3.3.1 Introdaksen

Promosen blong haejin hemi wan ki intavensen long ol skul. Hemi inkarejem wan pikinini blong praktisim gud haejin eli long laef, long skul mo long hom, mo i bildim ol helti fasin blong laef. Invesmen long jenj blong haejin bihevia mo ol praktis long ol pikinini hemi moa efektif bitim long ol bigman. Saksen blong eni skul WASH intavensen bae i no dipen long namba blong ol toelet we oli bildim o namba blong ol hanpam o wota sistem we oli putum - Hemi dipen bigwan long wanem nao ol studen oli praktisim. Ol ki haejin intavensen i inkludem trening blong ol tija, fomesen, mo trening blong ol skul WASH klab, tijing blong

²⁰ MoET WASH in Schools Improvement Plan (WIP) Technical Manual

²¹ Vanuatu Early Childhood Care and Education Policy 2018

²² MoET WASH in Schools Improvement Plan (WIP) Technical Manual

²³ MoET WASH in Schools Improvement Plan (WIP) Technical Manual

haejin edukesen, integresen i go insaed long ol koa subjek blong kurikulum, mo ol wol dei we oli selebretem (olsem Wol Toelet Dei, Wol Sanitesen Dei, Wol Wota Dei, Wol Menstruesen Dei).

3.3.2 Minimom Standed blong ol Haejin Seves

3.3.2.1 Ol Fasiliti blong Wasem Han

Evri skul i shud gat wan wota poen we i wok gud blong wasem han blong evri 35 studen.

Ol hanwas stesen i mas gat inaf klin wota mo sop evri taem.

Ol fasiliti blong wasem han oli shud stap long wan ples we i isi blong kasem, klosap long ol ples blong kakae, klosap long doa blong klasrum, klosap long kantin blong skul mo ol narafala ples we i stret.

Ol hanwas stesen i mas aksesibol long evriwan, inkludem ol pikinini wetem disabiliti mo i shud gat ol defren haet blong fitim evri kaen pikinini.

- Blong ol skul we oli no gat paep wota sistem, oli inkarejem ol skul blong yusum ol tippy tap (kontena we i gat tap), blong wasem han wetem sop.
- Praktis blong wasem han long wota we i stap long wan dish, bol o plet hemi no gud from wota i save kam doti mo kontamineted.
- Ol skul we oli gat paep wota sistem oli shud konstraktem ol pemenent hanwas stesen wetem gudfala sokawe. Promotem grup hanwas wetem supavisen blong tija long ol kindagaten mo praemeri skul.
- I shud gat sop evri taem long evri hanwas stesen.

Level blong seves	Haejin
Besik seves	Ol hanwas fasiliti wetem wota mo sop i avelabol long skul
Limited seves	Ol fasiliti blong wasem han wetem wota be no gat sop i stap long skul
Nogat seves	No gat ol fasiliti blong wasem han o no gat wota long skul

Table 5; JMP Haejin lada

3.4 Haejin mo Edukesen Promosen

3.4.1 Introdaksen

Haejin edukesen mo promosen i stap givim paoa long ol pikinini/pipol blong tekem responsabiliti blong helt blong olgeta tru long ol aktiviti blong WASH wetem planing. Fasin blong wasem han wetem sop afta long yus blong toelet, bifo yu tajem kakae mo afta long handelem doti, i save gohed sapos i gat positif bihevia blong haejin long evri edukesen institiusen blong helti laef mo gud kwaliti lening, inaf wota saplae, stret yus, mo mentenens blong ol WASH fasiliti.

Haejin edukesen i mas kavremap olgeta seven ki haejin bihaeva

- Yusum ol toelet long wan sef wei
- Klin drinking wota
- Wasem han wetem sop
- Menstruol Haejin Manejmen
- Pesenel haejin (wasem fes, brasem tut, yusum klin kaliko, hea haejin, etc.)
- Solid wes manejmen
- Fud haejin

WASH hemi no wan subjek we i stanap hemwan nomo long skul Karikulumblong Vanuatu be oli tijim wetem:

- Integresen long ol skul laef skil mo saens modyul, wetem gaedlaen blong ol WASH Edukesen tulkit mo
- tru long ol ekstrarikula program blong ol WASH intenasonal ivent we skul i sponsarem

I gat pruf se taem oli tijim haejin edukesen long skul, hemi leftemap ol gudfala haejin praktis blong ol studen long skul.

3.4.2 Minimom Standed blong Haejin Edukesen.

- Aktivli promotem tijing blong WASH wetem integretem blong WASH insaed long ol sabjek we oli stap finis long koa Karikulum blong skul.
- Provinsol Edukesen Ofis i mekem regula monitaring blong ol skul blong meksua se oli tijim WASH wetem Edukesen tulkit.
- Ol skul oli shud establisem mo sapatem ol skul WASH klab we bae oli holem taet ol WASH praktis tru long patisipesen blong ol WASH-rileted globol mo nasonal event.
- Ol skul oli inkarejem tu blong yusum ol defren skul forum olsem ol dibeit, kwis, gem, spot, rol ple, konset, helt klab, mo ol kastom festival long komuniti, olsem wan midia blong promotem haejin long ol skul.
- I mas gat inaf haejin promosen materiel olsem ol fasilitesen gaed, posta, brosia, pamflet, odio-visiuol materiel, gem mo sam moa we ol skul i save aksesem blong ol studen oli yusum. Ol WASH posta i mas stanap long ol impoten ples long evri skul.

3.5 Menstruol Haejin Manejmen

3.5.1 Introdaksen

Menstruol Haejin Manejmen (MHM), hemi wan impoten samting blong WinS Polisi, from hemi impoten blong digniti, jenda ikwaliti mo ol raet blong ol woman mo gel. Polisi ia i luksave se ol woman mo gel we oli fesem ol jalenj wetem MHM bae oli fesem tu ol rabis efek long plante eria blong laef; hemi konekt wetem ol raet blong ol woman mo gel, inkludem ol raet long helt, wok, mo edukesen, mo tu jenda ikwaliti.

3.5.2 Minimom Standed blong Menstruol Haejin Manejmen

Menstruol Haejin Nid

Ol praemeri, sekendri mo teseri skul toelet oli mas provaedem ol nid blong ol gel long manejmen blong menstruol haejin. Ol samting ia oli mas stap.

Hadwea

- Ol toelet blong ol gel i mas gat wota blong klinim olgeta mo jenisim ol saniteri pad, wan haejin rak, wan benj blong sidaon mo spel mo wan huk blong hangem ol praevet samting blong olgeta.
- Ol fasiliti blong manejmen weis we i stret long kalja i save stat long wan simpol bin wetem lid insaed long toelet blok. Ol faenol wei blong disposem ol kaliko we i doti i mas inkludem ol aksen olsem bonem mo berem doti, mo i mas joen wetem disaen blong toelet. Ol opsen blong manejem weis i mas kamaot tru long toktok wetem ol gel mo ol staf blong skul.
- Blong ol pikinini we oli gat ol spesel nid, ol fasiliti i mas gat moa spes blong alawem olgeta we oli yusum wiljea oli save go insaed.

Ol 'konsumabol', ol ting we oli stap yusum oltaem, mo i stap finis oltaem (olsem sop etc.)

- Ol manejmen blong skul oli mas meksua se i gat sop, ol saniteri pad, ol kaliko blong yusum bakegen long taem blong menstruesen, ol lokol samting blong menstruol haejin, mo ol klining materiol we ol gel oli save yusum eni taem we oli nidim.
- Ol skul oli mas putum mane long badjet blong provaedem inaf konsumabol olsem sop, ol saniteri napkin/klin kaliko. Mo oli mas putum ol rabis bin o ol ples blong sakem toti we ol studen mo ol tija long skul oli save yusum. Sapos i posibol, ol skul oli save promotem ol riyusabol pad blong minimaesem toti.

Sistem/'diskrit' o kwaet advaes blong MHM

- Skul i mas jusum wan woman tija o wan nes blong skul klinik o wan woman memba blong SCA we ol gel oli save trastem, olsem MHM fokol poen blong givim gud advaes long ol gel long saed blong ol spesel kwestin mo nid raon long Menstruol Haejin Manejmen.
- Trenem ol tija mo staf long Menstruol Haejin Manejmen (MHM) blong sapotem Karikulum edukesen blong meksua se oli tekem MHM i kam moa sirias.
- Ol skul oli mas tijim ol gel long saed blong ol baeolojikol jenj long bodi we i lid igo long menstruesen, blong minimaesem fraet mo panik taem oli gat manis.
- Wan MHM posta gaed i mas stap long ol toalet blong ol gel blong oli save rid abaot menstruol manejmen, blong oli save preventem spread blong ol jem taem oli handelem menstruol blad.
- Ol Skul Bod mo ol Skul WASH klab oli mas monitarem mo tokbaot ol isiu blong MHM oltaem mo mekem ol impruvmen long hem.

3.6 Operesen mo Mentenens

3.6.1 Introdaksen

Operesen mo Mentenens blong ol WASH fasiliti i minim regula operesen mo mentenens blong ol WASH sistem wetem inspeksen, klining, sevesing, presevesen mo eni ajasmen blong meksua se seves i kontiniu. Mentenens mo ripea blong ol skul WASH fasiliti hemi inkludem tu pemen blong sop, ol tap wetem pam, ol paep, ol tritment blong wota, wok blong emptimaot septic, wetem ol narafala samting bakegen blong meksua se akses long ol hanwas fasiliti, ol saniteri fasiliti mo klin sef drinking wota i gohed gud. Sapos i nogat gud operesen mo mentenens, ol fasiliti bae oli go nogud, bae oli brokdaon kwiktaem, mo seves bae i stop.

3.6.2 Ol Minimom Standed blong Operesen mo Mentenens

Responsabiliti blong operesen mo mentenens blong ol WASH seves long ol skul hemi praemeri responsabiliti blong skul. Ol skul oli shud mekem hemia tru long menstrim operesen mo mentenens insaed long ol gavenens, faenansing mo implementesen arenjmen we oli stap finis long skul.

Provinsol edukesen ofis i gat responsabiliti blong faenemaot mo praeoritaesem ol skul we oli nidim moa sapot, eksampol: sapos in id blong mekem gud bakegen ol WASH fasiliti mo skul i nogat kapasiti blong mekem.

Hemia ol standed blong WinS operesen mo mentenens:

- a. WASH impruvmen planing mo badjeting i mas inkoporet insaed long skul stratejik plan blong WASH apgreding, operesen mo mentenens long ol skul.

- b. Ol skul oli mas monitarem WASH badjet we i stap insaed long skul stratejik plan blong meksua se oli yusum fulwan ol fanding we oli bin aloketem long WASH.
- c. Evri skul i shud krietem wan aktiv Skul WASH Klab mo sapotem.
- d. Jusum wan man/woman blong responsibol long ol WinS operesen mo mentenens. Pesen ia i save kam long skul o long komuniti.
- e. Mekem regula operesen, ripea mo mentenens, mo wok klosap wetem skul mo Skul WASH Klab blong mekem regula klining mo mentenens blong ol WASH fasiliti (sanitesen, wota sos, intek, renwota gata, storej tank mo hanwas stesen) blong impruvum kwaliti blong WASH long ol skul.
- f. Ol skul otoriti, staf, mo evri pikinini long skul oli mas kasem awenes mo trening long evri aspek blong WASH.
- g. Ol Provinsol mo Nasional Dipatmen blong Edukesen, Helt, mo Wota Risos long patnasip wetem ol divelopmen patna, NGOs mo CSOs, oli mas provaedem regula trening mo ol sapot monitaring visit long ol skul mo givim teknikal trening blong ol skul Handiman.

4. IMPLEMENTESAN FEMWOK




Figure 2; Tiori blong Jenj

Tiori blong Jenj i stap long figa 1 antap. Blong mekem gud jenj long ol WASH seves long ol skul, ol stekholda long ol defren level oli shud tekem ol spesel WinS responsabiliti blong sapotem ol WASH impruvmen long ol skul.

Ol implementesen femwok we oli presentem long ij level oli joen wetem implementesen wokplan we i stap long difren WinS 2024 - 2030 wokplan dokumen.

4.1 Polisi Implementesen Strateji

4.1.1 . Nasional level femwok

Nasional level femwok i letem ol provins mo ol skul olo lidim implementesen, mo nasional level i save provaedem teknikal asistens mo monitarem progres. Femwok ia i inkludem:

- Ol WinS Polisi mo stratejik femwok we oli stap finis blong oli save yusum blong mekem planing.
- M&E sistem we i karem rikod blong stetes blong WASH long ol skul we i stap finis.
- Badjet mo faenansing, wetem ol badjet templet we oli stap long ol skul mo provins level, mo wan kapitol investmen plan we i avelabol.
- Ol tul blong promotem WASH long ol skul oli komplit mo oli stap redi blong ol skul oli yusum. Mo oli stap apdetem ol tul oltaem.
- Kodinetem evri 'WASH long ol skul' aktiviti long nasional level wetem ol patna mo meksua se oli folem ol rul.

4.1.2 Ol provins oli gat kapasiti blong sapotem implementesen blong WASH long ol Skul.

Ol provins oli gat responsabiliti blong meksua se ol skul long provins blong olgeta oli mitim ol nasonal standed. Ol provins oli gat responsabiliti blong developem wan provinsol plan blong WinS mo implementem plan ia folem anuol gavman planing saekol. Ol provins oli mas meksua se evri skul oli kasem inaf trening sapot long saed blong kapasiti bilding. Provins i meksua se ol skul oli kasem visit oltaem blong asesmen blong WASH stetes, mo hemi givim sapotiv fidbak long olsem wanem nao blong impruvum WASH stetes. Ol provins oli shud lukluk bakegen long progres we oli mekem long implementesen plan, mo aktuol WASH stetes long ol skul long evri yia.

4.1.3 Ol skul oli gat kapasiti blong asesem, planem, mo implimentem impruvmen long wota, sanitesen mo haejin edukesen seves.

Ol skul oli gat praemari responsabiliti blong mitim ol nasonal standed blong WASH long ol skul taem oli stap risivim sapot long provins mo nasonal level. Ol skul oli mas asesem stetas blong olgeta mo mekem plan blong impruvmen wetem WASH impruvmen planing. Ol plan oli mas integret insaed long anuol skul stratejik planing saekol mo oli save yusum skul grant blong faenanssem lokol impruvmen. Skul prinsipol hemi lidim proses ia, be skul kaonsel hemi luk ova mo kontribiut long plan ia mo implementesen. Ol tija oli mas akt olsem ol gudfala model o eksampol, mo meksua se haejin edukesen i tek ples. Bigfala komuniti i mas kontribiut long plan, mo long semtaem ol studen we oli benefit long WASH seves oli save kam ol jampion blong impruvum haejin praktis insaed long komuniti.

4.1.5 Ol Skul WASH Infrastrakja oli **develop mo oli mitim ol nasonal standed**

Ol skul oli gat praemeri responsabiliti blong mitim ol nasonal standed, be sam infrastrakja investmen oli stap aotsaed long ol samting we skul i save mekem. From hemia, i gat wan divisen blong wok bitwin ol skul, provins, mo nasonal level; blong meksua se infrastrakja i stap mitim ol nasonal nom. Ol skul oli mas mekem ol apgred wetem ol skul grant mo kontribiuten blong komuniti. Skul i gat responsabiliti tu blong mentenem evri WASH infrastrakja.

Provins i gat responsabiliti blong helpem ol skul long proses ia mo i shud givim teknikal advaes mo sapot long ol skul. Provins i gat responsabiliti tu blong faenemaot ol gap we i ova long kapasiti blong ol skul, mo sapotem olgeta wetem developmen blong ol projek o givim prioriti long ol provinsol-level grant/plan we i save helpem skul. Provins i gat moa responsabiliti blong wok tugeta wetem ol provinsol stekholda blong sapotem ol WASH-rileded aktiviti.

Long nasonal level i gat responsabiliti blong sapotem ol kapitol investmen long ol skul long nasonal level mo WASH infrastrakja hemi pat blong infrastrakja ia. Bae oli mekem wan gap analisis blong andastandem ol infrastrakja gap vs ol karent nom. Bae oli wokemaot kost blong ol gap ia mo i save gat wan seperet kapitol investmen plan blong WinS-WASH o oli save integretem igo insaed long ol kapitol investmen plan we i stap finis wetem MoET. MoET i gat responsabiliti blong advoketem mo meksua se i gat ol faenens opsen blong faenensem plan ia. Oli mas implimentem mo monitarem kapitol investmen plan ia.

4.2 Ol rol mo responsabiliti long ol defren level

Tebol ia i aotlanem ol wok mo responsabiliti blong ol WinS stekholda long ol defren level.

Ol Level	Ol Responsabiliti
Nasonal Level	<ul style="list-style-type: none"> • Developem mo lukova long implementesen blong ‘WASH long ol skul’ polisi, planing mo badjet fremwok. • Implementem operesen blong integresen blong WASH insaed long ol bisnis plan blong ol dipatmen, ol unit, mo ol provins. • Yusum ol fanding blong ol skul blong sapotem ‘WASH insaed long Skul’ Stratejik Plan wetem skul grant mo monitarem yus blong skul grant long WASH. • Monitarem WASH stetes wetem integresen blong WASH indiketa insaed long VEMIS mo developem wan analitikel ripot. • Developem kapitol investmen plan mo advoket blong inkrisim fand alokesen i go long WinS. • Provaedem teknikal gaedans mo kapasiti bilding i go long ol provins long saed blong WinS. • Givim teknikal gaedans mo ol dokumen i go long ol skul blong impruvum ol WASH seves
Provinsol level	<ul style="list-style-type: none"> • Developem ol WinS provinsol plan wetem ol provinsol stekholda mo rivuem progres blong hem oltaem. • Mekem plan mo badjet blong WASH long ol skul wetem yus blong anuol planing saekol. • Sapotem ol skul prinsipol long implementesen blong WASH impruvmen planing wetem deliveri blong ol trening long WASH impruvmen planing, edukesen tulkit mo konstraksen, mo mekem ol regula monitaring visit. • Monitarem mo meksua se ol skul oli folem ol standed. • Faenemaot ol skul we oli nidim help mo mekem ol investmen kes.
Skul level (Praemeri mo Sekendri)	
Skul Kaonsel mo Skul Komuniti Assosiesen	<ul style="list-style-type: none"> • Luk ova long ol WASH seves we oli provaedem long skul mo endosem ol impruvmen plan mo monitarem implementesen. • Luk ova long developmen mo implementesen blong ol skul stratejik plan mo meksua se i gat integresen blong WASH long ol aktiviti blong skul. • Konsaltem mo mobilaesem komuniti mo ol eria administrata long WASH impruvmen plan mo implementesen. • Jekem mo apruvum ol konstraksen wok long ol WASH fasiliti taem oli komplit • Skul Kaonsel mo Skul komuniti bae i meksua se ol komuniti mo ol perent: <ul style="list-style-type: none"> ○ Oli soem wan gudfala eksampol mo oli enkarejem ol pikinini blong praktisim gudfala fasin blong haejin. ○ Kontribiut long skul wetem ol wokman, ol risos, ol lokol materiol we i avelabol, mo mobilaesesen blong meksua se i gat gudfala WASH seves. ○ Jusum wan ripresentetiv blong komuniti blong ikam memba blong skul kaonsel
Prinsipol blong Skul	<ul style="list-style-type: none"> • Meksua se ol WASH seves oli laenap wetem ol nasonal standed. • Lidim developmen blong wan ‘WASH long ol Skul’ Impruvmen Plan (WIP) • Mekem plan mo badjet blong WIP insaed long skul stratejik plan. • Wok tugeta wetem skul kaonsel long skul stratejik plan saekol stat long asesmen, planing mo implementesen. • Yusum skul grant blong WASH long skul folem stratejik plan.

OI Level	OI Responsabiliti
	<ul style="list-style-type: none"> • Luk ova long implementesen blong ol aktiviti olsem WASH klab, kontraktem skul handiman. • Tekpat long WASH trening blong ol prinsipol blong skul. • Asesem WASH stetes wetem 3-sta monitaring mo apdetem infomesen insaed long VEMIS. • Prinsipol i save meksua se ol tija oli: <ul style="list-style-type: none"> ○ Tekpat long developmen blong WASH Impruvmen Plan (WIP) mo monitarem implementesen. ○ Mekem mo kontribiut long implementesen blong WIP. ○ Mekem ol aktiviti blong haejin edukesen olsem grup hanwas wetem Karikulum mo edukesen tulkit. ○ Soem gudfala eksampol long ol praktis blong haejin long skul mo long komuniti. • Prinsipol bae i meksua se ol skul pikinini oli: <ul style="list-style-type: none"> ○ Risivim ol gudfala edukesen seves blong WASH inkludem WASH seves mo haejin edukesen. ○ Soem gudfala eksampol long ol skul mo long komuniti, mo inkarejem ol narafala man blong adoptem ol gudfala haejin fasin. ○ Tekpat long ol kampein we i kontribiut long impruvmen blong ol WASH seves mo fasin long ol skul mo long komuniti. ○ Yusum gud ol skul infrastrukja long gudfala fasin, mo kontribiut long ol klin mo sastenabol WASH seves. ○ Kontribiut long ol WASH seves tru long patisipesen long ol aktiviti we ol Skul WASH klab i plan blong mekem
OI NGO mo ol patna ejensi	<ul style="list-style-type: none"> • Sapotem implementesen blong nasional polisi ia mo ol plan long nasional, provinsol mo skul level. • Provaedem teknikal mo faenansol sapot long nasional level i go long MoET blong mekem strong nasional fremwok. • Advoket blong impruvum ol WASH seves long ol skul long evri level. • Kontribiut fanding i go long kapitol investmen plan. • Sapotem kriesen blong noledj bes blong WASH long ol skul wetem developmen blong ol pepa, risej etc. • Sapotem ol provins wetem deliveri blong ol trening long level blong provins mo skul. Sapotem monitaring mo ol miting blong riviui. • Sapotem ol impruvmen blong WASH seves long level blong skul wetem ol projek long bihaf blong provins blong sapotem akses blong WinS seves long ol skul.
Ministri blong Helt	<ul style="list-style-type: none"> • Givim help mo sapot long implementesen blong ol haejin edukesen aktiviti. • Sapotem ol skul taem oli selebretem ol defren intasonol dei we oli makem long wol. • Mekem ol WASH trening long ol skul
Dipatmen blong Wota Risos	<ul style="list-style-type: none"> • Givim help mo sapot long implementesen blong ol wota sefti mo sekuriti plan blong ol skul. • Mekem ol wota kwaliti tes long ol niu wota sos bifo konstruksen. • Mekem ol wota kwaliti tes long ol wota saplae blong skul oltaem. • Advaesem ol skul long ol defren metod blong tritim wota. • Mekem ol teknikal trening blong ol skul handiman mo tu blong ol skul komiti mo ol tija.

OI Level	OI Responsabiliti
Ministri blong Intenol Afea	<ul style="list-style-type: none"> • Yusum PTAC platfom blong sapotem ol WASH inisietiv. • OI Eria Administrata oli sapotem ol WASH inisietiv long ol skul.

Tebol 6. OI Rol mo Responsabiliti

5 MONITARING, EVALUESEN, LENING MO RIPOTING

Monitaring hemi wan wei blong jekem progres mo meksua se i gat akaontabiliti. Monitaring hemi no min se kolektem infomesen nomo blong 'luk olsem wanem ol samting oli stap go'. Monitaring hemi blong impruvum ol program mo aktiviti ova long longtem. Monitaring i involvem jekem ol ting. I nid blong andastandem ol risal blong jek ia, mo afta tekem aksen blong impruvum situesen. Aksen ia i shud stat oltaem long lowes level we i posibol, wetem ol kros-jek blong meksua se situesen i kam gud.

Stamba tingting blong monitarem WASH long ol skul hemi blong kasem infomesen we bae oli yusum blong mekem plan mo save mekem ol disisen long alokesen blong ol risos blong mekem ol impruvmen long WASH, blong meksua se hemi gohed oltaem. Ol data bae hemi soemaot se problem i bigwan olsem wanem, mo bae hemi yusful blong asesem progress, bildim evidens-bes advokasi, mo evaluetem ol intavensen.

5.1 Ol Monitaring Indiketa

Ol indiketa oli ol 'saen' we oli soemaot se i bin gat rispek long ol gaedlaen, ol stekholda oli folem, mo oli kasem ol standed long wan WinS projek o program. Wan indiketa hemi wan kwantitativ o kualitativ fakta o variabel we i givim wan simpol mo rilaeabol wei blong mesarem ajivmen, blong soemaot ol jenj we oli konekt long wan intavensen, o blong help blong asesem pefomens blong wan developmen akta. WinS 3-sta indiketa hemi wan tul blong monitarem WinS.

Minimum reteng we evri skul i mas traem blong kasem hemi 2-sta sko folem WASH long skul 3-sta aproj. MoET i bin developem mo inkoporettem 3-sta WinS indiketa modiol insaed long VEMIS. Ol skul bae oli mekem asesmen mo entarem WinS data long sistem blong save monitarem, folem ol 3-sta indiketa long evri yia. Ol diteil blong ol WinS indiketa oli stap long Aneks 2.

5.2 Lening mo Ripoting

WASH lening i save kam tru long ol regula WinS riviui miting we i tekples long nasional mo provinsol level blong asesem ol implementesen aotput mo aotkam indikata blong wok plan. I save gat aedentifikesen blong ol strong, moderet, o slo WASH progres o impruvmen, mo i save gat adjasmen blong mekem ol strateji i save kam strong moa, blong mekem moa impruvmen. Oli inkarejem ol skul mo provins blong developem ol kes stadi long WASH we i save infomem mo tijim ol narafala long saed blong WASH impruvmen, mo tu ol jalenj we oli fesem taem oli implementem. Yumi inkarejem tu ol nasional mo intanasional eksjens visit blong lening mo tu blong serem ol WASH program ajivmen wetem ol jalenj blong mekem se ol narafala oli save benefit long hem.

5.3 Ol definisen blong ol ki tem

Impruv Sanitesen Fasiliti Wan 'impruv' sanitesen fasiliti hemi wan we i seperetem humen ekskreta/weist aot long human kontak long wan haejinik wei. Ol impruv sanitesen fasiliti ia oli inkludem flas/haf-flas toalet, pit latrin wetem slab, komposting toalet, wetm singel-seks toalet we oli wok gud.

Ol yusabol toalet: hemi minim ol Toalet/latrin we ol studen oli save yusum (ol doa oli no lok o wan ki i stap oltaem), oli wok gud (toalet i no brok, hol blong toalet i no blok, mo wota i stap blong flasem o kapsaedem wota igo long toalet), mo i praevet (i gat ol doa we oli save klos mo lok from insaed mo i no gat ol bigfala hol long ol wol blong toalet). Long wan skul, ol wol blong toalet oli impoten semak olsem ol samting andanit long graon.

Wan **impruv drinking wota sos** hemi wan we oli bildim long wan wei we hemi protektem gud sos ia long ol samting we i save spoilem, espeseli ol samting blong bodi. Ol impruv wota sos long wan skul seting oli inkludem:

- Ol protekted wel/spring wetem ol borhol/wel, protekted wel mo protekted spring.
- Renwota sistem.
- **Singel-seks /Jenda seperet toalet fasiliti** I gat ol seperet toalet fasiliti we oli dediketem blong ol gel nomo mo ol boe nomo long skul.

Limited wota: I gat wan impruv wota sos (Wota we oli paepem, protekted wel/spring, renwota, wota long botel) be nomo se wota i nogat long taem we oli bin mekem sevei.

Nogat Wota seves: I gat drinking wota be hemi kam long wan ples we i no impruv o i nogat wota saplae long skul.

Besik sanitesen: Impruv sanitesen fasiliti long skul we i gat wan single-seks fasiliti mo oli save yusum (i stap, i wok gud, mo i praevet)

Limited Sanitesen: I gat ol impruvmen fasiliti (flas toalet/haf-flas toalet, pit toalet wetem slab, komposting toalet) be i no gat seperet wan blong ol man mo wan blong ol woman, o oli no save yusum.

No gat sanitesen: Ol sanitesen fasiliti we oli no gud o i nogat sanitesen fasiliti nating long skul

No haejin seves: I nogat ol fasiliti blong wasem han we i stap o i nogat wota long skul.

Limited Haejin: I gat ol fasiliti blong wasem han wetem wota be i no gat sop long skul

ANEKS 1. SITUESENEL ANALISIS

1. Wota

2016 MoET sevei we i kavremap ol praemeri skul i soemaot se 2.5% blong ol skul oli no gat akses long wota, o oli akses long wota we i no sef²⁴. Klosap evri aelan long Vanuatu oli gat wota defisit long taem blong drae sisen long Mei kasem Novemba evri yia mo wetem klaemet jenj mo ol weta paten we oli stap jenj mo kosem ol rabis saeklon, drae, flad, solwota we i stap kam antap mo lanslaed, availabiliti blong sef mo sekiua wota i stap anda long bigfala presa.

Wan rapid asesmen ripot blong ol wota sistem long ol skul afta long TC Judy mo TC Kevin long 2023 i soemaot se bitim 43% long ol 748 skul we oli sevei i ripot se wota we i stap long skul i naf nomo blong kuk mo dring be i no naf blong ol evri-dei haejin yus, mo i kam moa kritikol long taem blong drae sisen. DoWR wota sosos inventori (2016) i faenem se plante renwota storej tank oli neva fulap from ol ruf gata oli brok.

Wan independen stadi we Foster i mekem long 2016 i bin lukluk long ol hanpam mo ol tank blong karem ren wota long 13 rurol lokesen long Vanuatu mo i bin faenem se klosap haf blong ol wota sampol oli bin kontamineted wetem E. coli²⁵. Ol risal blong ol stadi ia oli soem hae risk blong kontaminesen we ol wota sistem blong ol skul oli fesem.




Fig 1 Akses long wota long ol skul.

2 Sanitesen

Graf ia i soem ol kaen sanitesen fasiliti we oli stap long ol praemeri skul long Vanuatu. Ol fasiliti we oli stap plante.

- Ol tradisional toelet (36%)
- Ventilated Improved Pit toelet (23%)
- Pit toelet (21%)
- Flas toelet (20%)

Moa analisis i soem se 60% nomo blong ol toelet long ol skul oli gat ol toelet we oli seperetem ol boe mo gel.




Fig 2: Sanitesen akses long Vanuatu

²⁴ 2016 MoET asset survey, analysed by UNICEF JPM team. No estimates available for ECCE and SS.

²⁵ Foster, Ted, 'Linking Groundwater use, rainfall and alternative water sources in rural Kenya, Cambodia and Vanuatu', UNC Water and Health Conference, 17 October 2017

3 Haejin seves

Kwantiti blong wota we i avelabol long ol skul mo ol draot (longfala taem we i no gat ren) i afektem gud haejin praktis. Wan stadi long Penama we oli mekem long 2019 i faenem se 19% nomo blong ol studen oli wasem han blong olgeta wetem sop long tu impoten taem long wan dei (afta long yusum toelet mo bifo kakae) mo mein samting we ol studen oli wantem hemi se i mas gat inaf wota mo sop blong wasem han long ol fasiliti we oli klin mo oli lukaotem gud²⁶. Risa blong Penama WASH long ol Skul 3-sta paelot program i soem se i moa had blong impruvum reit blong jenj long fasin blong praktis haejin long ol skul kompea long ol impruvmen blong sanitesen mo wota long ol skul.

4 Haejin mo Edukesen

- a. Oli stap tijim WASH long ol skul olsem we MoET i ekspektem wetem Edukesen tul kit.
- b. I gat ol skul we oli no setemap ol WASH klab yet. Wan 2023 helt promosen skul ripot blong Sanma Provins i stap talem se long ol 30 helt promosen skul we oli selektem long provins, evriwan i no setemap yet ol skul WASH klab. Ol aktiv skul WASH klab oli aktivli promotem ol ekstra skul karikula aktiviti tru long ol global dei. (olsem, Global Hanwas Dei)

5 Menstruol Haejin Manejmen

Blong gat wan impruv toelet hemi impoten, be blong gat wan impruv toelet we i tekem konsideresen long sefti mo sekuriti blong olgeta we oli yusum toelet hemi impoten tumas. I gat ol limited MHM fasiliti we bae i provaedem praevesi, sefti, mo sekuriti long ol skul blong ol woman blong oli save manejem menstruesen blong olgeta. Wan 2019 Student KAP savei we Live and Learn i ranem i faenem se 30.3% blong ol gel we oli patisipet long sevei long 20 skul long Penama oli stap long haos taem oli gat manis, from we i no gat inaf praevesi, sefti, mo sekuriti long ol skul toelet. WASH situesen i stopem olgeta blong manejem menstruesen blong olgeta long skul.¹

6 Operesen mo Mentenens

Fulap taem ol skul oli no lukluk long ol WASH Operesen mo mentenens responsibiliti blong WASH impruvmen. Mo tu i gat limited teknikol human risos avelabol long ol skul mo provinsol level wetem limited fanding blong ol WASH operesen mo mentenens. Fulap taem kodinesen mo kolaboresen bitwin ol skul komuniti, skul komiti, skul mananejmen, wetem WASH monitoring hemi slak. MoET i developem wan WASH Impruvmen Planing Gaed blong givim sapot long ol skul blong oli save impruvum ol pracktis blong WASH wetem ol fasiliti, folem 3-sta aproj blong WinS, ol WinS-rileded Minimom Kwaliti Standed (MQS) mo Nasonol Sastenabol Developmen Plan (NSDP).

²⁶ Live and Learn. Formative research on barriers to WASH habit formation & inclusive WASH in schools in Vanuatu, 2019
https://moet.gov.vu/docs/policies/Formative%20Research%20on%20Barriers%20to%20WASH%20Habit%20Formation%20&%20Inclusive%20WASH%20in%20Schools%20in%20Vanuatu_2019.pdf

ANEKS 2. WinS INDIKETA

Ol Aotkom Indiketa	Ol Aotput indiketa
<p>WASH long ol Skul Manejmen</p> <p>Oli efektifli strentenem Nasonal WASH long ol Skul program blong mitim nasonal 'WASH long ol Skul' standed.</p>	<ul style="list-style-type: none"> • Oli adoptem WinS/ HPS kodineta posisen mo oli fulumap posisen ia long MoET strukja. • WinS Polisi i kasem apruvol mo oli seraot long evri provins finis. • Ol monitarem stetas blong 'WASH long ol skul' mo analaesem evri yia folem ol data blong VEMIS, wetem ol provinsol sko kad. • Oli divelopem ol WASH skul paket mo sendem igo long evri provins. • Ol skul oli yusum 10% o moa long skul grant blong mekem ol WASH impruvmen. • Evri sikis provins oli kasem konsaltesen long saed blong WASH long ol skul, mo oli gat ol provinsol plan long ples blong impruvum WASH long ol skul. • Evri sikis provins i gat 'WASH long ol skul' insaed long ol bisnis plan blong olgeta. • Evri sikis provins i gat 100% blong ol skul fokal poen we oli bin trenem long saed blong WASH long ol skul. • Evri sikis provins oli mekem ol skul visit blong jekem WASH long ol skul evri yia. • Evri sikis provins oli mekem wan regula rivi long progres we oli komperem long implementesen plan mo 'WASH long ol skul' stetes long provins. • Ol skul oli bin kasem trening long WinS mo oli gat wan WASH impruvmen plan long ples.
<p>Wota</p> <p>Evri skul oli gat inaf klin wota we i stap long skul yad blong dring, kuk, mekem kakae, swim, sanitesen, mo haejin oltaem.</p>	<ul style="list-style-type: none"> • Drinking wota we i kam long wan impruv sos i stap long skul mo oli lukaotem oltaem blong meksua se i no gat kontaminesen. • Skul i tritim drinking wota oltaem (boelem, filtarem, SODIS o klorineit) • Evri studen oli gat wan kap o wan wota botel blong dring long hem. • Fulap long ol wota poen oli isi blong ol pikinini mo ol man we oli no save wokbaot gud oli yusum. • Ol skul oli gat ol wota tank blong storem wota long saed blong skul.

Ol Aotkom Indiketa	Ol Aotput indiketa
<p>Sanitesen</p> <p>Ol toelet blong skul we evri studen mo tija oli yusum oli impruv, oli wok gud, oli klin, oli gat wan toelet blong ol boe mo wan blong ol gel, oli praevet mo oli save lok from insaed.</p>	<ul style="list-style-type: none"> • Ol toelet oli impruv (eksampol, flas, kompost, pit wetem slab, VIP) singel-seks, praevet, aksesibol, mo oli wok gud. • Resio blong studen igo long toelet we i wok gud i no bitim 25:1 blong ol gel mo 35:1 blong ol boe. • I gat wan boe mo wan gel toelet we ol pikinini we oli gat disabiliti mo ol smol pikinini oli save yusum. • I gat Toelet pepa oltaem long skul.
<p>Haejin</p> <p>Evri studen long evri skul oli stap praktisim gud haejin mo oli gat akses long ol gudfala hanwas fasiliti wetem wota we i ron mo sop long ol impoten taem.</p>	<ul style="list-style-type: none"> • Evri skul oli gat inaf hanwas fasiliti we oli wok gud, wetem wota we i ron mo sop wetem drenej/sokawe we i wok gud, klosap long ol toelet mo long ol nara impoten ples. • 75% long ol studen oli wasem han wetem sop long ol impoten taem (bifo kakae mo afta usum toelet) • Ol hanwas ples oli aksesibol long olgeta we oli no save wokbaot gud mo ol smol pikinini oli yusum. • Evri dei i gat grup blong ol studen we oli praktisim hanwas tugeta long evri EJKE mo praemeri skul wetem raning wota mo sop.
<p>WASH Edukesen</p> <p>Ol studen oli kasem gud WASH save mo oli praktisim gud toelet mo haejin praktis long skul blong olgeta.</p>	<ul style="list-style-type: none"> • Ol studen oli lanem WASH tru long integresen blong ol WASH topik insaed long nomol skul envaeronmen mo ol sabjek blong saens kurikulum. • Evri skul oli gat ol aktiv WASH klab we oli promotem gud WASH praktis long ol skul. • Oli stap some ol WASH-rileted IEK materiel long ol klasrum mo ol impoten ples. • Oli selebretem ol dei we oli makem long wol (Wol toelet dei, wol wota dei, wol han wosing dei, wol menstruesen dei) - oli organaesem long ol skul blong promotem WASH lening.
<p>MHM</p> <p>Ol gel we oli gat manis long ol Praemeri mo Sekendri skul oli filim sef mo oli harem gud blong manejem manis blong olgeta long skul</p>	<ul style="list-style-type: none"> • Ol gel oli lanem abaot ol baeolojikol jenj long bodi blong olgeta mo ol gud praktis blong Menstruol Haejin Manejmen (MHM) long ol skul. • Ol toelet blong ol gel long ol skul oli gat praevesi, oli sef wetem ol lok insaed. • Ol toelet blong ol woman i gat wota insaed blong oli save klinim olgeta. • Skul i gat ol saplae blong Menstruol Haejin Manejmen (MHM) oltaem blong ol yangfala gel mo ol woman tija long ol praemeri mo sekendri skul. • Ol skul oli gat inaf MHM disposal metod insaed long eria blong olgeta.

Ol Aotkom Indiketa	Ol Aotput indiketa
<p>Operesen mo Mentenens</p> <p>Ol skul oli eksperiensem ol impruvmen long WASH mo oli gat akses long ol WASH fasiliti we oli stap long gud kondisen mo evriwan long ol studen oli save yusum.</p>	<ul style="list-style-type: none"> • Gap analisis i finis mo kapitol investmen plan i stap long ol skul level finis. • Oli oganaesem wan advokasi ivent blong inkrisim fand alokesen blong WASH long ol skul. • I gat 50% o moa blong kapitol investmen plan we i bin kasem fanding finis. • Skul handiman i bin kasem trening long saed blong WASH mo WASH infrastrukja

Tebol 7: Ol WinS Indiketa

Polisi ia oli developem wetem teknikal mo finansol sapot blong UNICEF mo
Gavman blong Niu Silen

